



Broj: 05-04-20-2708-3/20  
Datum: 04.09.2020. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-04-20-2708-2/20 od 04.09.2020. godine, u postupku javne nabavke „Sanacija i rekonstrukcija mosta preko rijeke Liješnice, općina Maglaj – I faza (samo most)“, ovlašteno lice ugovornog organa Načelnik općine Maglaj d o n o s i

## O D L U K U o izboru najpovoljnijeg ponuđača

### I

Najpovoljnija ponuda pristigla u postupku javne nabavke radova „Sanacija i rekonstrukcija mosta preko rijeke Liješnice, općina Maglaj – I faza (samo most)“ je ponuda ponuđača „**Porobić d.o.o. Zavidovići**“, broj 01-09/20 od 01.09.2020. godine, u konačnom iznosu od 230.270,00 KM (bez PDV-a), odnosno 269.415,90 KM (sa PDV-om), nakon e-aukcije održane dana 04.09.2020. godine.

### II

Izabrani ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

### III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

### IV

Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### V

Ova odluka ima se objaviti na web stranici Općine Maglaj, u skladu sa članom 70. stav 6. Zakona o javnim nabavkama.

## O b r a z l o ž e n j e

Odlukom o pokretanju postupka, broj 05-04-20-2708/20 od 07.08.2020. godine, pokrenut je postupak javne nabavke „Sanacija i rekonstrukcija mosta preko rijeke Liješnice, općina Maglaj – I faza (samo most)“. Predmetna javna nabavka objavljena je na Portalu javnih nabavki, obavještenje o nabavci broj: 1140-1-3-34-3-34/20 od 11.08.2020. godine. Kriterij za dodjelu ugovora je najniža cijena.

Do krajnjeg roka za dostavljanje ponuda, koji je istekao 01.09.2020. godine u 12,00 h ponude je dostavilo šest ponuđača, po redosljedno zaprimanja kako slijedi:

r/b	Naziv ponuđača	Cijena bez PDV-a u KM	Cijena sa PDV-om u KM
1.	„Roading“ d.o.o. Gračanica	257.300,63	301.041,74
2.	„Hajdić“ d.o.o. Maglaj	277.371,03	324.524,10
3.	Konzorcij „Geo-put“ d.o.o. Maglaj i „Inženjering 1“ d.o.o. Jelah	274.817,79	321.536,81
4.	„Špicbeton“ d.o.o. Zenica	264.663,73	309.656,56
5.	„Struktura“ d.o.o. Jajce	288.888,25	337.999,26
6.	„Porobić“ d.o.o. Zavidovići	239.315,73	279.999,40

Komisija za javne nabavke, imenovana Odlukom broj 05-04-20-1392/20 od 20.04.2020. godine, izvršila je javno otvaranje ponuda u predmetnom postupku dana 01.09.2020. godine s početkom u 12,15 h. Na otvaranju je prisustvovao predstavnik ponuđača „Porobić“ d.o.o. Zavidovići, Nedim Vučkić, uz predočeno ovlaštenje, broj 31-08-04/20 od 31.08.2020. godine. O otvaranju ponuda Komisija je sačinila odgovarajući zapisnik, koji je bez odlaganja dostavljen ponuđačima.

Na zatvorenom sastanku, održanom dana 01.09.2020. godine, Komisija je pristupila pregledu i ocjeni ponuda. Prilikom pregleda ponude ponuđača „Roading“ d.o.o. Gračanica, broj 083/20 od 01.09.2020. godine, Komisija je utvrdila da ista sadrži formalne nedostatke koji predstavljaju osnov za njeno odbacivanje. Naime, tačkom 3.4.2 tenderske dokumentacije, kao dokaz o ispunjavanju uslova tehničke i profesionalne sposobnosti zahtijevan je spisak ugovora izvršenih u posljednjih pet godina ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od pet godina, koji su za predmet imali izgradnju mosta, a čija ukupna vrijednost je bila minimalno 239.000,00 KM (bez PDV-a), potpisan i ovjeren od strane ponuđača, **uz potvrdu druge ugovorne strane o uspješnom izvršenju ugovora, u originalu ili ovjerenoj kopiji.** Isti zahtijev naveden je i u tački 4.1 tenderske dokumentacije, prilikom navođenja obavezne dokumentacije koju ponuda mora sadržavati. Prilikom pregleda i ocjene ponuda, Komisija je utvrdila da je ponuđač „Roading“ d.o.o. Gračanica tražene potvrde dostavio u običnoj, neovjerenoj, kopiji. Iz navedenih razloga, Komisija je dostavljenu ponudu ponuđača „Roading“ d.o.o. Gračanica ocijenila neprihvatljivom, u skladu sa odredbom člana 68. stav (4) tačka i) Zakona o javnim nabavkama.

Komisija je konstatovala da ostale dostavljene ponude oblikom i sadržajem u potpunosti odgovaraju traženim uslovima iz tenderske dokumentacije, nakon čega je zakazana e-aukcija za dan 04.09.2020. godine, s početkom u 11,00 sati

Nakon održane e-aukcije, konačna rang lista u predmetnom postupku javne nabavke je sljedeća:

r/b	Naziv ponuđača	Cijena / KM za ugovor bez PDV-a	Cijena / KM za ugovor sa PDV-om
1.	„Porobić“ d.o.o. Zavidovići	230.270,00	269.415,90
2.	„Hajdić“ d.o.o. Maglaj	230.510,00	269.696,70
3.	Konzorcij „Geo-put“ d.o.o. Maglaj i „Inženjering 1“ d.o.o. Jelah	231.000,00	270.270,00
4.	„Špicbeton“ d.o.o. Zenica	264.663,73	309.656,56
5.	„Struktura“ d.o.o. Jajce	288.888,25	337.999,26

Na osnovu naprijed navedenog, a prema kriteriju najniže cijene, koji se u konkretnom postupku primjenjuje za dodjelu ugovora, Komisija je utvrdila da je ponuda ponuđača „Porobić“ d.o.o. Zavidovići najpovoljnija za ugovorni organ, te je u skladu s tim rukovodiocu ugovornog organa predložila da se ugovor za izvođenje radova na sanaciji i rekonstrukciji mosta preko rijeke Liješnice, općina Maglaj – I faza (samo most) zaključi sa navedenim ponuđačem.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu odluke.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke.

Žalba se podnosi u tri primjerka, kako bi mogla biti uručena izabranom ponuđaču, Uredu za razmatranje žalbi i ugovornom organu.

Žalba se podnosi neporedno ugovornom organu, u pisanoj formi, direktno ili putem preporučene poštanske pošiljke.

Dostavljeno:

1. Ponuđači 5x
2. Služba za urbanizam, geodetske i imovinsko-pravne poslove
3. a/a



NAČELNIK OPĆINE  
Mirsad Mahmutagić

